



Die Ankerjie

Laerskool Lochnerhof



Akademiese Olimpiade doen dit weer

Die jaarlikse Akademiese Olimpiade het weer eens alle verwagtinge oortref en die reuse-bedrag van R160 474 is ingesamel. Die mikpunt was R120 000.

Tydens die prysuitdeling Vrydag het die spanning hoog geloop voor die wenklas bekend gemaak is. Graad 3B het met hierdie gesogte toekenning weggestap nadat hulle 'n wenbedrag van R11 929 ingesamel het.

Jean-Pierre van Dalen in graad 4 het die prys ontvang vir die leerder

wat die meeste geld, nl. R4 500, ingesamel het.

Dit is reeds die 14de jaar wat hierdie olimpiade by die skool aangebied word en is naas die Ankerfees die grootste fondsinsamelingsprojek by die skool.

Leerders ontvang 'n lys met spelwoorde wat hulle moet leer en word dan per woord geborg. Elke klas stel 'n mikpunt en daar mekaar uit om hierdie mikpunt te bereik. Vanjaar is prys ter waarde van R26 800 uitgedeel. Die 20 leerders wat die meeste geld insamel, kry elk 'n derde van hul totaal terug en elke leerder wat meer as R250 insamel kwalifiseer vir 'n gelukkige trekking.

Volgens me. Annelize Viljoen, organiseerdeur van die olimpiade, kan die sukses van die projek toegeskryf word aan die aanmoediging deur die personeel asook aan die talle prys wat uitgedeel word aan leerders wat hul mikpunte bereik.

Junie 2012

In hierdie uitgawe:

- Bouprojek kom op dreef
- Ontmoet ons nuwe beheerliggaam
- 'n Oomblik in die lewe van ons nuwe personeel
- Kultuur kook in Lochieland
- Mnr. Koos kry die strop om die nek
- Ons smurf in Lochieland

Jong wetenskaplikes besoek Lochieland

Tydens die afgelope Weten-skapweek is leerders op 'n prettige manier blootgestel aan talle Suid-Afrikaanse wetenskaplikes, uitvinders en uitvindings.

Leerders van graad 1 - 7 het die geleentheid gekry om enige Suid-Afrikaanse navorser, uitvinder of wetenskaplike uit tebeeld en moes hierdie persoon aan hul klasmaats voorstel. Van Chris Barnard en Anique Theron tot Peter Ramsay, die uitvinder van 'n outomatiese mikrogolf-

springmielie- "vending"-masjien, het in die gange rondgeloop. Die wenner in elke graad is met 'n boek-prys beloon.

Nog 'n hoogtepunt van die week was die Breinboelies waar die skoolsaal in 'n Wetenskapsentrum omskep is sodat leerders o.a. kon leer hoe werk lees- en sonbrille, hoe word kristalle gevorm en hoe werk weerlig en donderweer.

Volgens me. Dippenaar, organiséerdeur, is die doel

met hierdie week om die leerders se belangstelling in Wetenskap te prikkel.



Alru Gous (gr. 1) as Peter Ramsay, die uitvinder van die mikrogolf-springmielie- "vending"-masjien

Redaksie:

Annalette Kruger
Araminta Joubert

Lizanne Basson
Nikki Whitehead

Elsabé Gous
Nicole Bryant

Aletta de Jongh
Angelee van Staden

Toinette Horn
Clarise Lerm

Dewald Erasmus
Ivan Schwartz

Hanli Geldenhuys
Joshua Venter

Redenaars aan die woord

Twee van Lochieland se redenaars, Alexis Smith (gr. 3) en Anél Swart (gr. 4) het onlangs deelgeneem aan die halfeidronde van die ATKV-redenaarskompetisie.

As 'n mens met hierdie twee jong redenaars begin gesels, kom jy gou agter dat hulle weet waarvan hulle praat.

Alexis sê dit is vir haar baie lekker om 'n redenaar te wees. Volgens haar is die geheim van haar sukses harde werk en die ondersteuning van haar ouers. Sy speel ook mini-tennis en hok-

kie, ry graag fiets en hou van lees.

Anél het eers verlede jaar begin deelneem aan redenaarskompetisies en geniet dit baie. Haar raad aan ander redenaars is om nie bang te wees nie en om deeglik voor te berei. Buiten haar skoolwerk waarin sy ook uitblink, speel sy netbal en tennis, sing in die koor en is een van Lochieland se entrepreneurs.

Lochieland is trots op hierdie twee leerders wat hul woord so goed kan doen.

Ontmoet ons nuwe beheerliggaam

Die nuwe beheerliggaam wat onlangs verkies is, is reeds hard aan die werk. Die Ankertjie het dit goed gedink om agter die skerms te gaan kuier by van die ouerverteenvoordigers.

James Hayes, die voorsitter, is getroud met Gerda en het die twee dogters in Lochnerhof en een in Hoërskool Strand. James het BA en BREK by Stellenbosch studeer, en daarna sy klerkskap by PWC voltooi en daarna deeltjys 'n MBA gedoen. Hy het 'n konsultasie- en sagtewaremaatskappy gestig wat dienste en produkte lewer aan die finansiële industrie. Hy is baie lief vir die bosveld. Vir James is die belangrikste taak as voorsitter van die beheerliggaam om die hoof en sy kundige span te help om die visie van "Die beste Skool denkbaar" te verwesenlik.

Die ondervoorsitter, Deon Bezuidenhout, is 'n pa van vyf. Sy jongste seuntjie is vanjaar in graad 1. Deon is 'n opgeleide elektroniese ingenieur wat rekenaarprogrammatuur ontwikkel en as konsultant werk in sy eie besigheid. Hy is lief vir die buitelewe en kamp en stap graag. Deon wil in sy termynveral fokus op tegnologiese en finansiële gebied deur goeie ondersteunende prosesse daar te stel.

Floris ter Haar is getroud met Lienkie en het 4 kinders. Hy is 'n professionele rekenmeester in sy

eie praktyk. Floris speel graag tennis, gym en geniet dit om tyd saam met sy kinders te spandeer. Hy stel homself dit ten doel om die interne kontrole en rekeningkundige stelsels by die skool te ontwikkel om sodoende deursigtigheid te bevorder.

Met 'n B.Comm LLB-kwalifikasie is Louis Kriel 'n regsdadviseur by Ou Mutual. Hy het voorheen gepraktiseer as prokureur. Louis lees graag, veral biografieë, luister musiek of gaan kamp. Hy sou graag ouerbetrokkenheid by die skool wil bevorder d.m.v. doeltreffende kommunikasie en deurlopende terugvoering oor sake van gemeenskaplike belang. Deursigtigheid is ook vir hom baie belangrik.

Die beheerliggaam word driejaarliks verkies en word saamgestel uit die skoolhoof, twee opvoeders, een nie-opvoeder op die personeel asook vyf ouerverteenvoordigers. 'n Vakature bestaan tans vir een ouerverteenvoorder nadat mnr. Eddie Labuschagne weens werkverpligte moes bedank. Hy is vanaf 1 Julie as skoolhoof by Hoërskool Overberg aangestel.

Die ander lede van die beheerliggaam is mnr. Marius Botha en mee. Hanli Geldenhuys, Thelma Coetzee, Natasha van Nelson asook mnr. Jan Brand, 'n gekoöpteerde lid.

Bouprojek kom op dreef

Groot opgewondenheid heers oor die beplande aanbouings aan die skoolgebou wat binnekort behoort te begin.

Volgens James Hayes, voorsitter van die Beheerliggaam, word beplan om die aanbouings te doen aan die bestaande deel van die skool aangrensend tot Sarel Cilliersstraat. Die bestaande gang wat suid-oos front, sal die bestaande Grondslag fase klaskamers sowel as die nuwe klaskamers bedien. Sodra die finale bouplan goedgekeur is, sal dit beskikbaar wees ter insae by die skool.

Die Beheerliggaam is getaak om die bouprojek namens die skool te bestuur. Vir hierdie doel is 'n boukomitee, bestaande uit ouers, kundiges en Beheerliggaamlede, saamgestel.

Volgens James word daar nie tans voorsien dat enige fondse anders as die fondse wat deur die WKOD voorsien is, gebruik gaan word vir die aanbou van die klaskamers nie. "Die Beheerliggaam sal daarna streef om, sover prakties moontlik, toe te sien dat leerderaktiwiteite so min as moontlik geraak word en dat die gegewe fondse optimaal benut word. Daar word ook gepoog om die aanbouings te laat inpas by die huidige voorkoms van die skool," het hy gesê.

Daar word gemeen dat die bouproses moontlik reeds teen die einde van 2012 afgehandel kan wees.

'n Oomblik in die lewe van ... ons nuwe personeel

Juffrou Jeanne-Mari

1. Is jy 'n professionele sanger?

Ek sing al van 4-jarige ouerdom en het al by feeste opgetree, maar het nog nie my eie CD nie.

2. Sal jy aan Idols deelneem?

Ek het al 3 keer daarvan deelgeneem.

3. As jy Lochieland moet beskryf as 'n kossoort, wat sal dit wees en hoekom?

'n Trifle, daar is 'n diverse groep mense, maar tog vorm almal saam 'n heerlike skool wat uitblink.

4. Jou droom vir 2012?

Om meer vir ander om te gee en om met vrede in my oë na ander te kyk.

5. Wie of wat is die kosbaarste in jou lewe?

My splinternuwe man en my ouma se armband wat ek geërf het.



Singende Superster in die Reke-naarsentrum

Juffrou Magda

Geheime talent?

Ek is 'n "closet"-kunstenaar.

Was jy in jou vorige lewe 'n stylontwerper?

Nee! dis nou. In my vorige lewe was ek 'n prinses.

Hoe lank beplan jy om in Lochieland te bly?

Tot my kierie breek.

Gunsteling woord of uitdrukking?

Rêrig?

Gunsteling sepie op televisie?

Sepies is soetsappig. Ek soek meer drama, soos *Grey's Anatomy*, *Private Practice* of *The Good Wife*

Wiskunde-onnie bedags...



...Rocker snags!

Mnr. Dewald

1. Gunsteling sepie op die kassie?

Sewende Laan - of Super Rugby-wedstryde!

2. Watter "super power" sal jy graag wil hê?

Iets wat stout kinders vinnig soet maak.

3. As ons in jou yskas kyk, wat sal ons daar vind?


Baie joghurt, water en vars vrugte.

4. Watter CD is op die oomblik in jou CD-speler?

Coldplay se "Mili Xyloto"

5. Tel jy nog soms op jou vingers?

Ja! ek moet bieg ek doen dit nog soms. Hulle is soms meer betroubaar as 'n sakrekenaar.



Kultuur kook in Lochieland

Tydens die onlangse Kultuur-aand wat by die skool gehou is, was dit duidelik dat die kultuuraktiwiteite gesond is in Lochieland. Die volgepakte saal het ook bewys dat die belangstelling in kultuur by die skool groot is.

Die musiekleerders het die gehoor vermaak met 'n verskeidenheid klavier- en blokfluit-items en die skool se twee kore het ook opgetree.

Die gaskunstenaar vir die aand was juffrou Jean-Mari, wat die gehoor betower het met haar stem en talent. Die hoogtepunt van die aand was beslis die mas-sakoor wat saam met juffrou Jean-Mari opgetree het.

Volgens juffrou Aletta de Jongh, kultuurhoof, is die kultuurleerders tans druk besig om voor te berei vir die Helderberg Eisteddfod wat vroeg volgende kwartaal plaasvind. Die kore tree ook op tydens die eisteddfod.

Restaurante
My oom en my pa wou saam in 'n besigheid gewerk het en dit is om 'n restaurant te besit. Hulle het dit nog nie probeer nie, maar hulle sê hulle spaar nog. Ek het nie geweet as jy so oud is, moet jy nog spaar nie.

Moedersdag
Moedersdag is baie lekker want dan is Mamma nie kwaai nie.

Uit die mond van die suigeling...

Juffrou Lizanne vra vir 'n seuntjie in haar klas: "Waar is jou toebroodjies?" Waarop die seun antwoord: "My bloodjies hou nie van skool toe kom nie. My bloodjies hou net van by die huis bly."

Mnr. Koos kry die strop om die nek

Dit was 'n perfekte dag toe mnr. Koos onlangs die ja-woord gegee het aan sy liefde van die afgelope 7 jaar, Rozanne. Hulle is op 31 Maart op Riebeeck-Kasteel getroud.

Volgens die strooijonker, mnr. Roland, het mnr. Koos sy romantiese kant gewys toe hy 'n spesiale lied vir die bruid gesing het tydens die seremonie. Hulle het ook 'n vlag gehys waarop die gaste spesiale boodskappe kon skryf.

Die paartjie ken mekaar al van skooldae af en was aanvanklik bure. Mettertyd het die vriendskap ontwikkel in 'n verhouding.

Hulle het hul wittebrood in Mauritius deurgebring. "Die troue was perfek, ek sou niksaaraan wou verander nie", het hy gesê.

Dit lyk of Kupido behoorlik bedrywig is in Lochieland met die talle verloofdes op die personeel. Juffrou Lizanne en Tania asook mnr. Christo is almal besig om te beplan vir hul groot dae.

0/13-Rugby aan die brand

Die onder 13 A-rugbyspan het 'n besonder suksesvolle seisoen tot dusver.

In die liga-wedstryde wat hulle tot dusver gespeel het, is slegs 14 punte teen hulle aangeteken en spog hulle met uitslae soos 24 - 0 teen Gordonsbaai, 30 - 0 teen Eikestad, 49 - 0 teen De Hoop en 52 - 0 teen Beaumont.

Volgens mnr. Jan Brand, sportbestuurder, is hierdie uitslae bewys van die harde werk en ure wat deur die span ingesit word. Die seuns meen ook die motivering van hul afrigter speel 'n belangrike rol.

Lourens Kasselman, agsteman van die span, is opgeneem in die onder 13-Cravenweekspan wat binnekort in Bloemfontein gaan deelneem.

So smurf ons in Lochieland

Smurfield. Dis hoe Lochnerhof gelyk het op 26 Mei met die jaarlikse bekendstellingsdag vir toekomstige graad 1's.

Die voorportaal van die saal is omskep in 'n pragtige Smurfiewoud waar twee smurfies die nuwe wenners ontvang en verwelkom het. Elkeen van die verskillende aktiwiteite wat by die skool aangebied word, het 'n stalletjie gehad waar die jong "smurfies" van 2013 inligting oor die aktiwiteite kon versamel en kon lus raak vir die groot skool.

Die ouers is ook ingelig oor die werksaamhede van die skool en het die geleentheid gehad om die personeel te ontmoet en bekend gestel te word aan die verskillende aktiwiteite wat by die skool aangebied word.

Volgens juffrou Thelma Coetzee, Grondslag-fase departementshoof, is die vyf graad 1-klasse vir volgende jaar reeds vol en sien hulle uit daarna om die nuwe smurfies in 2013 te ontvang.



Vriendelike smurfies verwelkom die nuwe wenners